

- 1. KANTONALNO TUŽILAŠTVO KANTONA SARAJEVO – ul. Radićeva br. 6, Sarajevo, kojeg zastupa Glavna Kantonalna tužiteljica Kantona Sarajevo SABINA SARAJLIJA, ID: 4200223290004, (u daljem tekstu: Kupac) i**
- 2. PROTIM D.O.O. SARAJEVO, Dobrinjske bolnice 1A, 71000 Sarajevo, kojeg zastupa direktor Dino Duran, ID: 4202459050007 (u daljem tekstu: Prodavac);**

zaključuju sljedeći:

U G O V O R

O NABAVCI SIGURNOSNOG SEFA ZA POTREBE KANTONALNOG TUŽILAŠTVA KANTONA SARAJEVO

Član 1.

Predmet ovog Ugovora je isporuka, montaža i unos sigurnosnog sefa za potrebe Kantonalnog tužilaštva Kantona Sarajevo, sljedećih karakteristika:

- da je vatrootporan, te da posjeduje certifikat vatrootpornosti od 30 minuta;
- vanjske dimenzije (VxŠxD) minimalno: 1800 x 900 x 500 mm;
- da posjeduje minimalno 4 police, podesive po visini;
- zaključavanje: mehanička brava s ključem (u skladu sa standardom EN1300);
- da posjeduje unutrašnji trezor, koji se posebno zaključava;
- da posjeduje mogućnost sidrenja u pod ili zid.

Ukupna vrijednost ponude je u iznosu od 2.800,00 KM (slovima: dvijehiljadeosamstotina KM) bez PDV-a, odnosno 3.276,00 KM sa PDV-om (trihiljadedvijestotineisedamdesetšest KM), a u skladu sa ponudom Prodavca broj: 236/2020 od 26.05.2020. godine.

Sastavni dio ovog Ugovora je prihvaćena Ponuda Prodavca broj: 236/2020 od 26.05.2020. godine.

Član 2.

Prodavac se obavezuje da će isporuku sigurnosnog sefa iz člana 1. izvršiti u skladu sa zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke i dostavljenog sigurnosnog sefa. Kupac će utvrditi razuman rok za ispravku propusta Prodavca, u smislu izvršene nabavke i za račun Prodavca.

Član 3.

Plaćanje će se izvršiti najkasnije u roku od 30 dana od datuma ispostave fakture za uredno isporučeni sigurnosni sef. Plaćanje se vrši putem JR Trezor Kantona Sarajevo, na žiro račun Prodavca broj: 338 730 221 253 7891 otvoren kod Unicredit Bank d.d. Sarajevo.

Član 4.

Prodavac se obavezuje da će u skladu sa članom 1. ovog Ugovora isporučiti sigurnosni sef Kupcu, na osnovu narudžbe iskazane u pisanom obliku. Isporučka sigurnosnog sefa je na paritetu DDP prostorije Kupca. Prodavac se obavezuje na rok isporuke navedenog sigurnosnog sefa najkasnije 60 (šezdeset) dana nakon obostranog potpisivanja Ugovora.

Član 5.

Prodavac se obavezuje na garantni rok za isporučeni sigurnosni sef u trajanju od 12 (dvanaest) mjeseci od dana isporuke.

Servis u garantnom roku je besplatan. Kupac se obavezuje da izvrši popravku ili zamjenu oštećenog sigurnosnog sefa, ukoliko se navedena oštećenja nisu mogla uočiti prilikom preuzimanja predmetne robe.

Član 6.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Općinskog suda u Sarajevu.

Član 7.

Na ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 8.

Ovaj Ugovor se zaključuje na određeni period do realizacije nabavke iz člana 1. i 3. ovog Ugovora i postupanja Prodavca po eventualnim primjedbama Kupca, u pogledu nedostataka vezanih za kvalitet i realizaciju nabavke. Stupa na snagu danom obostranog potpisivanja.

Član 9.

Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

PRODAVAC:

Direktor:

KUPAC:

**Kantonalno tužilaštvo Kantona Sarajevo
Glavna Kantonalna tužiteljica:**

Sabina Sarajlija

**Broj: 11/20
Sarajevo, 17.06. 2020. godine**

**Broj: A-III-33/20-IV
Sarajevo, 16.06.2020. godine**